

◆ 贺普仁◎总主编

ZHONGHUA ZHENIU BAOKU
HIPUREN LINCHUANG DIANPING BEN

【中华针灸宝库】
贺普仁临床点评本

经络考

经络汇编释义

经络图说

审视瑶函（节选）

北京科学技术出版社

明卷

15

图书在版编目 (CIP) 数据

中华针灸宝库·贺普仁临床点评本 (明卷) / 贺普仁主编. —北京: 北京科学技术出版社, 2013. 1

ISBN 978-7-5304-6126-6

I. ① 中… II. ① 贺… III. ① 针灸学-中国-明代 IV. ① R245

中国版本图书馆 CIP 数据核字 (2012) 第 195254 号

中华针灸宝库·贺普仁临床点评本 (明卷)

总 主 编: 贺普仁

责任校对: 黄立辉

责任印制: 张 良

描 图: 张 杰

封面设计: 耀午书装

出 版 人: 张敬德

出版发行: 北京科学技术出版社

社 址: 北京西直门南大街 16 号

邮政编码: 100035

电话传真: 0086-10-66161951 (总编室)

0086-10-66113227 (发行部)

0086-10-66161952 (发行部传真)

电子信箱: hjkjpress@163.com

网 址: www.bkjpress.com

经 销: 新华书店

印 刷: 三河市国新印装有限公司

开 本: 889mm×1194mm 1/16

字 数: 5108 千

印 张: 168.75

版 次: 2013 年 1 月第 1 版

印 次: 2013 年 1 月第 1 次印刷

ISBN 978-7-5304-6126-6/R·1526

定 价: 2790.00 元 (全 15 册)



京科版图书, 版权所有, 侵权必究。

京科版图书, 印装差错, 负责退换。

经络考

郭静李岩 点评
杨光张永臣 点校
(明)张三锡 撰



《经络考》自序


张三锡曰：脏腑阴阳，各有其经；四肢筋骨，各有所主。明其部以定经，循其流以寻源。舍此而欲知病之所在，犹适燕而南行，岂不愈劳而愈远哉！方书云：不读十二经络，开口动手便错。诚确论也。世人以经络为针灸家书，皆懵然罔究，妄举妄谭。即如头痛一症，左右分经，前后异位；同一腹痛也，而有中脘、当脐、少腹之分；同一害眼也，而有眦、小眦、黑珠、白珠、上下胞之异。在肺而用心药，则肺病不去而复损心经；在血而用气药，则气反伤而血病益滋。东垣曰：伤寒邪在太阳经，误用葛根汤，则引邪入阳明。是葛根乃阳明经药，非太阳经药也。即此而推，其夭于药者不知其几矣！仁人君子，慎勿轻议，当留心于此焉。今将《素》、《难》、《灵枢》等经及滑伯仁《十四经络发挥》，纂其最要者为《经络考》。

目 录


正人寸尺之图	(1)
伏人尺寸之图	(1)
经脉	(2)
肺手太阴之脉	(2)
手太阴肺经图	(2)
肺经诸穴歌	(3)
又分寸歌	(3)
手太阴肺经之图	(3)
大肠手阳明之脉	(3)
手阳明大肠经图	(4)
大肠经诸穴歌	(4)
又分寸歌	(4)
手阳明大肠经之图	(4)
胃足阳明之脉	(5)
足阳明胃经图	(5)
胃经诸穴歌	(6)
又分寸歌	(6)
足阳明胃经之图	(6)
脾足太阴之脉	(6)
足太阴脾经图	(7)
脾经诸穴歌	(7)
又分寸歌	(7)
足太阴脾经之图	(8)
心手少阴之脉	(8)
手少阴心经图	(8)
心经诸穴歌	(8)
又分寸歌	(9)
手少阴心经之图	(9)
小肠手太阳之脉	(9)
手太阳小肠图	(9)
小肠诸穴歌	(10)
又分寸歌	(10)
手太阳小肠经之图	(10)
膀胱足太阳之脉	(10)

足太阳膀胱图	(11)
膀胱诸穴歌	(11)
又分寸歌	(11)
足太阳膀胱经之图	(12)
肾足少阴之脉	(12)
足少阴肾经图	(12)
肾经诸穴歌	(13)
又分寸歌	(13)
足少阴肾经图	(13)
心主手厥阴心包络之脉	(13)
手厥阴心包络图	(14)
手厥阴心经之图	(14)
心包络经诸穴歌	(14)
又分寸歌	(14)
三焦手少阳之脉	(14)
手少阳三焦图	(15)
附 三焦诸穴歌	(15)
又分寸歌	(15)
手少阳三焦经之图	(16)
胆足少阳之脉	(16)
足少阳胆经图	(17)
胆经诸穴歌	(17)
又分寸歌	(17)
足少阳胆经之图	(18)
肝足厥阴之脉	(18)
足厥阴肝经图	(18)
附 肝经诸穴歌	(19)
又分寸歌	(19)
足厥阴肝经之图	(19)
督脉之图	(19)
督脉诸穴歌	(20)
又分寸歌	(20)
任脉之图	(20)
任脉诸穴歌	(20)
又分寸歌	(20)
营卫	(21)
正人脏图	(21)
伏人脏图	(22)
精气津液血脉	(22)
五伤	(22)
腋	(22)
耳	(22)


鼻	(22)
口	(23)
齿	(23)
唇	(23)
舌	(23)
颊腮	(23)
咽喉	(23)
四肢	(24)
筋	(24)
骨	(24)
肉	(24)
皮	(24)
髭发	(24)
取膏肓穴法图像此即钩股图法	(25)
崔氏四花穴法图像	(25)



正人尺寸之图



伏人尺寸之图



经脉

黄帝曰：经脉者，所以能决死生，处百病，调虚实，不可不通。故曰：谷入于胃，脉道以通，血气乃行。

肺手太阴之脉

起于中焦，下络大肠，还循胃口，上膈属肺。从肺系，横出腋下，下循臑内，行少阴、心主之前，下肘中，循臂内上骨下廉，入寸口，上鱼，循鱼际，出大指之端。其支者，从腕后直出次指内廉，出其端。是动则病，肺胀满，膨膨然而喘咳，缺盆中痛，甚则交两手而瞀，此为臂厥。是主肺所生病者，咳，上气，喘（咳）[喝]，烦心，胸满，臑（背）[臂]内前廉痛厥，掌中热。气盛有余则肩背痛，风寒汗出中风，小便数而欠；气虚则肩背痛、寒，少气不足以息，溺色变。为此诸病。臑，音揉。瞀，音务。

此言肺经脉气之行，乃为第一经之经脉也。凡言手者，以其井、荣、俞、经、合等穴，皆起于手也。凡言足者，以其井、荣、俞、经、合等穴，皆自足而始也。起，发也。中焦者，中脘也，在脐上四寸。胃口，胃之上脘。脐上五寸。络，犹兜也，如人横线为络，以兜物也。循，巡也。膈，隔也。凡人心下有膈膜，前脐鸠尾，后齐十一椎，即脊骨。周围着脊，所以遮隔浊气，不使上薰心肺也。肺系者，喉咙也。喉以候气，下接于肺。肩下、胁上际曰腋。膊下、对腋处为臑，肩肘之间也。臑尽处为肘，肘以下为臂。廉，隅也。手掌后高骨旁动脉为关，关前动脉为寸口。曰鱼，鱼际者，谓掌骨之前，大指本节之后，其肥肉隆起处，统谓之鱼，鱼际则其间之穴名也。端，秒也。按：本经《营卫生会》、《五味》、《邪客》、《刺节真邪》等篇，言人身有前三焦者，宗气出于上焦，即所谓积于胸中，又谓之积于膻中也，出喉咙以司呼吸。[其]营气者，阴精之气也，由中焦之气阳中有阴者，随上焦之气以降于下焦，而生此阴气，[故]曰清者为营，又谓之营出于中焦者是也。[然]营气阴性精专，随宗气以运行经隧之[间，故]谓之营行脉中者是

也。其卫气者，阳[精之气]也，由下焦之气阴中有阳者，随中焦之气[以]升于上焦，以生此阳气，故曰浊者为卫，又谓之卫气出于下焦者是也。然卫气阳性剽悍，不随宗气而行，而自行于各经皮肤分肉之间，故谓之卫行脉外是也。兹手太阴之脉，“起于中焦”以至下文云云。本言宗气与营气同行，而卫气不与焉者也。即《灵枢经·营卫生会篇》所谓与营俱行阳二十五度，行阴亦二十五度，为一周也，故五十度而复大会于手太阴矣。然此特言脉经运行之始尔。起于中焦者，即《生会篇》所谓中焦亦并胃中，出上焦之后，此所受气者，泌糟粕，蒸津液，化其精微，上注于肺脉者是也。言由谷气入胃，其精微之气，起于中焦，下络大肠，以肺与大肠相为表里也。转巡胃，出上口，属之于肺，即从肺系横出腋下。盖由胸部第四行之中府、云门，以出腋下，下循臑内，历天府、侠白，行少阴心经、手厥阴心主包络两经之前，下入肘中，抵尺泽穴，即《生会篇》所谓上焦出于胃上口，并咽以上贯膈而布胸中，走腋，循太阴之分而行者也，既下肘中，乃循臂内上骨之下廉，历孔最、列缺，入寸口之经渠、太渊，以上鱼，循鱼际，出大指之端，至少商而止也。其支者，如木之有枝，以其自直行之脉而旁行之也。臂骨尽处为腕，脉之大隧为经，交经者为络。盖本经脉虽终于大指，而络脉之行，从腕后之列[缺]穴，交于手之阳明经，而由合谷、二间、三间以至于商阳穴，又商阳而上行也。是动则为肺胀等症者，是经变动，则有此等。《难经》以是动为气，马玄台引经断为非，最是。臑，音揉。

手太阴肺经图



《难经》曰：肺重三斤三两，六叶两耳，凡八叶，主藏魄。四垂如盖，附着于脊之第三椎，中有二十四空，行列分布诸脏之气，为诸脏之华盖。人有二喉，前喉为喉咙，通于五脏，主气出入。《灵枢经》曰：喉咙者，气之所以上下也。后喉为咽喉，主纳水谷，通于六腑。《灵枢》又曰：咽喉者，水谷之道也。《难经》曰：喉咙重十二两，广二寸半，长一尺二寸九节。咽门重十二两，广二寸半，至胃长一[尺]六寸。《素问》曰：肺者相傅之官，治节出焉。《[灵]枢》云：肺小则少饮，不病喘喝；肺大则多饮，善病胸痹，喉痹，逆气；肺高则上气，肩息，咳；肺下则居奔迫肺，善胁下痛；肺坚则不病咳，上气；肺脆则苦病消痹，易伤；肺端正则和利难伤；肺偏倾则胸偏痛也。白色小理者肺小，粗理者肺大，巨肩反膺陷喉者肺高，合腋张胁者肺下，好肩背厚者肺坚，肩背薄者肺脆，背膺高厚者肺端正，胁偏疏者肺偏倾也。

肺经诸穴歌

马玄台曰：欲明经络，须熟穴名。但徐氏歌俱自井荣而始，殊非本篇各经起止正义。滑氏歌合于起止，似欠妥，读者难之。今各阴经照滑氏，阳经照徐氏，则合于起止，且长短句法学者颇便，若穴名既熟，则经脉了然矣。俗医曰：吾大方脉，非针灸科何须识穴，此其所以为庸下，而不能入轩岐正脉也。

手太阴，十一穴，中府云门天府列。侠白下尺泽，孔最见列缺。经渠太渊下鱼际，抵指少商如韭叶。

又分寸歌

太阴肺兮出中府，云门之下一寸许。
云门璇玑旁六寸，巨骨之下二骨数。
天府腋下三寸求，夹白肘上五寸主。
尺泽肘中约文论，孔最腕上七寸取。
列缺腕上一寸半，经渠寸口陷中是。
大渊掌后横纹头，鱼际节后散脉举。
少商大指端内侧，鼻衄刺之立见止。

云门，巨骨下侠气户旁二寸陷中，去中行任脉六寸。气户，巨骨下俞府两旁各二寸陷中，去中行任脉四

寸，去膺窗四寸八分。俞府，巨骨下璇玑旁二寸陷中。璇玑，天突下一寸。天突，结喉下四寸宛中。上揆穴之法由天突起至璇玑，由璇玑至云门，其法甚简，后仿此。

手太阴肺经之图



大肠手阳明之脉

起于大指次指之端，循指上廉，出合谷两骨之间，上入两筋之间，循臂上廉，入肘外廉，上臑外前廉，上肩，出髃骨之前廉，出乎柱骨之会上，下入缺盆，络肺，下膈，属大肠。其支者，从缺盆上颈，贯颊，入下齿中，还出挟口，交人中，左之右，右之左，上挟鼻孔。是动则病，齿痛，颈肿。是主津液所生病者，目黄，口干，衄衄，喉痹，肩前臑痛，大指次指痛不用。气有余则当脉所过者热肿，虚则寒栗不复。为此诸病。髃，五口切。颊，鸠药切。衄，音求。衄，音郁。

此言大肠经脉气之行，乃为第二经也。大指次指者，手大指之次指，即第二指，名食指是也。肺经本出于大指，而大肠经则出于次指，兹言大指次指者，乃大指之次指，非言既出于大指，而又出于次指也。合骨者，本经穴也。

俗名虎口。肩端两骨间为髃骨。肩胛上际处为天柱骨。缺盆，足阳明胃经穴也。头茎为颈，耳以下曲处为颊。言大肠者，乃手阳明经之脉，受手太阴之交，遂起于次指之端，循此次指之商阳、二间、三间之上廉，出合谷穴，在两骨之间，又上阳溪穴，即两筋间，又循臂之上廉偏历、温溜、下廉、上廉、三里，入肘外廉之曲池穴，上循臑外之前廉，历肘髻、五里、臂臑，以上肩之肩髃穴，又出髃骨之前廉，循巨骨穴，上出天柱骨之会上，会于大椎。自大椎而下，入缺盆，循足阳明经脉，外络绕肺脏，复下膈，当天枢之外，会属于大肠。其支别者，虽由偏历而入，又自缺盆上行于颈，循天鼎、扶突，上贯于颊，入下齿缝中，复出夹口两吻，相交于人中之内，左脉往右，右脉往左，上挟鼻孔，循禾髻、迎香而终，以交于足阳明胃经也。此经有病，则见目黄鼻衄等症。

手阳明大肠经图



《平人绝谷篇》伯高曰：回肠大四寸，径一寸寸之少半，长二丈一尺。受谷一斗，水七升半。《难经》曰：大肠重二斤十二两。按：直肠曰直，则大肠周围叠积，当名曰回。

《难经》曰：大肠者，传道之官，变化出焉。《灵枢·本藏篇》曰：肠应皮，皮厚者大肠厚，皮薄者大肠薄，皮缓腹里大者大肠大而长，皮急者大肠急而短，皮滑者大肠直，皮肉不相离者大肠结。

大肠经诸穴歌


手阳明，廿穴名，循商阳二间三间而行。历合骨阳溪之俞，过偏历温溜之滨。下廉上廉三里而近，曲池肘髻五里之程。臂臑肩髃上于巨骨，天鼎纤乎扶突。禾髻唇连，迎香鼻迫。

又分寸歌

商阳盐指内侧边，二间来寻本节前。三间节后陷中取，合谷虎口岐骨间。阳溪上侧腕中是，偏历腕后三寸安。温溜腕后去五寸，池前五寸下廉看。池前三寸上廉中，池前二寸三里逢。曲池曲骨纹头尽，肘髻大骨外廉近。大筋中央寻五里，肘上三寸行向里。臂臑肘上七寸量，肩髃肩端举臂取。巨骨肩尖端上行，天鼎喉旁四寸真。扶突天鼎旁三寸，禾髻水沟旁五分。迎香禾髻上一寸，大肠经穴自分明。

左右共四十穴。

手阳明大肠经之图




胃足阳明之脉

起于鼻之交额中，旁约太阳之脉，下循鼻外，入上齿中，还出挟口，环唇，下交承浆，却循颐后下廉，出大迎，循颊车，上耳前，过客主人，循发际，至额颅。其支者，从大迎前，下人迎，循喉咙，入缺盆，下膈，属胃，络脾。其直者，从缺盆下乳内廉，下挟脐，入气街中。其支者，起于胃口，下循腹里，下至气冲而合。以下髀关，抵伏兔，下膝腘中，下循胫外廉，下足跗，入中指内间。其支者，下廉三寸而别，下入中指外间。其支者，别跗上，入大指间，出其端。是动则病，洒洒振寒，善呻，数欠，颜黑，病至则恶人与火，闻木音则惕然而惊，心欲动，独闭户塞牖而处，甚则欲上高而歌，弃衣而走，奔响腹胀，是为飧厥。是主血所生病者，狂，疟，温淫，汗出，鼽衄，口喎唇胗，颈肿喉痹，大腹水肿，膝腘肿痛，循膺、乳、气街、股、伏兔、骭外廉、足跗上皆痛，中指不用。气盛则身已前皆热，其有余于胃，则消谷善饥，溺色黄；气不足则身已前皆寒栗，胃中寒则胀满。额，音遏。颅，音卢。髀，音比，去声。腘，音宾。跗，音抚。数，音数、朔。贲，音奔。飧，音飧。喎，音呱。胗，音诊。

此言胃经脉气之行，乃为第三经也。额，鼻茎也，山根为额。郤、却同。腮下为颌，颌中为颐。腮前为发际，发际前为额颅。股内为髀，髀前膝上起肉处为伏兔，伏兔后为髀关。挟膝筋中为腘，胫骨为骭，足面为跗。足阳明受手阳明之交，起于鼻之两旁迎香穴，上行而左右相交于额中，过睛明之分，下循鼻外，历承泣、四白、巨髃，上入齿中，还出挟口两吻地仓，环绕唇下，左右相交于承浆，却循颐后下廉，出大迎循挟车，上耳前，历下关，过客主人，循发际，行悬厘、额厌之分，经头维，会于额颅之神庭。其支别者，从大迎前下人迎，循喉咙，历水突、气舍，入缺盆，行足少阴俞府之外，下膈，当上脘、中脘之分，属胃络脾。其直行者，从缺盆而下，下乳内廉，循气户、库房、屋翳、膺窗、乳中、乳根、不容、承满、

梁门、关门，下挟脐，历天枢、外陵、大巨、水道、归来诸穴，而入气冲中。即气街。其支者，自属胃处，起胃下口，循腹里，过足少阴俞府之外，本经之里，下至气冲中，与前入气冲者合，既相合于气冲中，乃下髀关，抵伏兔，历阴市、梁丘，下入膝腘中，经犊鼻下循足面，曰跗之冲阳、陷谷，入中指外间之内庭，至厉兑穴而终也。其络脉支别者，自膝下三寸，循三里穴之外，别下历上廉、条口、下廉、丰隆、解溪、冲阳、陷谷，以至内庭、厉兑而合也。又其支者，别跗上冲阳穴，别行入[大]指间，出足厥阴行间穴之外，循大指下出其端，以交于足太阴也。及其动穴验病，则随虚实寒热而见以上诸症于部分也。胃者，土也，闻木音则惕然而惊者，土畏木也。

足阳明胃经图



《平人绝谷篇》伯高曰：胃大一尺五寸，径五寸，长二尺六寸，横屈受水谷三斗五升。其中之谷常留二斗，水一斗五升而满。《难经》曰：胃重二斤一两。《肠胃篇》同。《素问·灵(台)[兰]秘典论》云：脾胃者，仓廩之官，五味出焉。《本脏篇》曰：脾应肉，肉腠坚大者胃厚；肉腠靡者胃薄；肉腠小而靡者胃不坚；肉腠不称身者胃下，胃下者下脘约不利；肉腠不坚者胃缓；肉腠无小裹累者胃结，胃结者上脘约不利也。

胃经诸穴歌

足阳明，四十五，自承泣四白而数。巨髃有地仓之积，大迎来颊车之髡。下关头维以人迎，水突气舍与缺盆。气户兮库房屋翳，膺窗兮乳中乳根。不容承满，梁门关门。太乙滑肉，天枢外陵。大巨从水道归来，气冲入脾关之境。伏兔至阴市梁丘，犊鼻自三里而行。上巨虚即上廉。兮条口，下巨虚即下廉。兮丰隆。解溪冲阳入陷谷，下内庭厉兑而终。

[又分寸歌]

胃之经兮足阳明，承泣目下七分寻。
四白目下方一寸，巨髃鼻孔旁八分。
地仓夹吻四分近，大迎颌下寸三中。
颊车耳下八分穴，下关耳前动脉行。
头维神庭旁四五，神庭，督脉穴，在中行发际上五分。头维，去神庭四寸五分。

人迎喉旁寸五真。
水突筋前迎下在，气舍突下穴相乘。
气舍在水突下。
缺盆舍下横骨内，各去中行寸半明。
气户璇玑旁四寸，至乳六寸又四分。
库房屋翳膺窗近，乳中正在乳头心。
次有乳根出乳下，各一寸六不相侵。
自气户至乳根六穴上下相去各一寸六分，去中行任脉各四寸。

却去中行须四寸，以前穴道与君陈。
不容巨阙旁三寸，巨阙，任脉穴，脐上六寸五分。

却行幽门寸五新。幽门，肾经穴，巨阙旁一寸五分，在胃经、任脉二脉之中。


其下承满与梁门，关门太一滑肉门。
上下一寸无多少，共去中行三寸中。
天枢脐旁二寸间，枢下一寸外陵安。
枢下二寸大巨穴，枢下四寸水道全。
枢下六寸归来好，共去中行二寸边。
气冲鼠蹊上一寸，鼠蹊，横骨尽处。
又去中行四寸专。

髀关膝上有尺二，伏兔膝上六寸是。
阴市膝上方三寸，梁丘膝上二寸记。
膝腓陷中犊鼻存，膝下三寸三里至。

膝下六寸上廉穴，膝下七寸条口味。
膝下八寸下廉看，膝下九寸丰隆系。
却是踝上八寸量，比那下廉外边缀。
解溪去庭六寸半，庭，内庭也。
冲阳庭后五寸换。
陷谷庭后二寸间，内庭次指外间现。
足大指次指外间陷中。
厉兑大指次指端，去爪如韭胃井判。

按：马玄台曰：足阳明胃经穴，自缺盆、气户、库房、屋翳、膺窗、乳中、乳根，去中行各四寸，上下相去各一寸六分；自不容、承满、梁门、关门、太乙、滑肉门，去中行各三寸，上下相去各一寸；自天枢、外陵、大巨、水道、归来，去中行各二寸，上下相去不等。其气冲一穴，则又去中行二寸，鼠蹊上一寸。其屈曲有如此者，《徐氏针灸书》皆以二行言之，误矣。左右各四十五穴，共九十穴。

足阳明胃经之图



脾足太阴之脉

起于大指之端，循指内侧白肉际，过核骨

后，上内踝前廉，上腠内，循胫骨后，交出厥阴之前，上膝股内前廉，入腹，属脾，络胃，上膈，挟咽，连舌本，散舌下。其支者，复从胃，别上膈，注心中。是动则病，舌本强，食则呕，胃脘痛，腹胀善噫，得后与气则快然如衰，身体皆重。是主脾所生病者，舌本痛，体不能动摇，食不下，烦心，心下急痛，溏泄，水闭，黄（症）[疸]，不能卧，强立股膝内肿厥，足大指不用。为此诸病。踝，湖瓦切。

此言脾经脉之行，乃为第四经也。核骨，一作“覈骨”。俗之孤拐。足根后两旁起骨为踝骨，腓腹为膈，脾内为股，脐上为腹。咽以咽物，居喉之前，至胃长一尺六寸，为胃之系。舌本，舌根也。足太阴起大指端之隐白穴，受足阳明之交也。循大指内侧白肉际大都穴，过核骨后，历太白、公孙、商丘，上内踝前廉之三阴交。又上膈内，循胫骨后之漏谷，上行二寸，交出足厥阴之前，至地机、阴陵泉，上循膝股前廉之血海、箕门，迤邐入腹，经冲门、府舍，[会]中极、关元。复[循]腹结、大横，会下脘，历腹哀，过日月、期门之分，循本经之里，下至中脘之际，以属脾络胃。[又]由腹哀上膈，循食窦、天溪、胸乡、周荣曲折而下至大包。又自大包外曲折向上会中府，上行人迎之里，挟喉，连舌本，散舌下而终。其支行者，由腹哀别行，再从胃部中脘穴之外，上膈，注于膈中之里心之分，以交于手少阴心经也。及其动穴验病，则为舌本强等症者，随其部分而应之也。

足太阴脾经图



《难经》云：脾重二斤三两，扁广三寸，

长五寸，有散膏半斤。（至）[主]裹血，温五脏，主藏意。《素问·[灵]兰秘典论》云：脾胃者，仓廩之官，五味出焉。

《本藏篇》云：脾小则藏安，难伤于邪也；脾大则苦凑眇而痛，不能疾行；脾高则眇引季肋而痛；脾下则下加于大肠，下加于大肠则藏苦受邪；脾坚则藏安难伤；脾脆则善病消痹易伤；脾端正则和利难伤；脾偏倾则善满善胀也。又云：黄色小理者脾小，粗理者脾大，揭唇者脾高，唇下纵者脾下，唇坚者脾坚，唇大而不坚者脾脆，唇上下好者脾端正，唇[偏举]者脾偏倾也。

脾经诸穴歌

足太阴，脾中洲，二十一穴隐白游。赴大都兮瞻太白，访公孙兮至商丘。越三阴之交而漏谷地机可即，步阴陵之泉而血海箕门是求。入冲门兮府舍轩豁，解腹结兮大横优游。腹哀食窦兮接天溪而同派，胸乡周荣兮缀大包而如钩。

又分寸歌

大指端内侧隐白，节后陷中求大都。
太白内侧核骨下，节下一寸公孙呼。
商丘内踝微前陷，踝上三寸三阴交。
踝上六寸漏谷是，踝上七寸地机朝。
膝下内侧阴陵泉，与阳陵泉相对。
血海膝腓上内廉。
箕门穴在鱼腹取，动脉应手越筋间。
冲门期下尺五寸，期门，肝经穴，巨阙旁四寸五分。巨阙，任脉穴，脐上六寸五分。
府舍期下九寸看。
腹结期下六寸入，大横期下五寸半。
腹哀期下方二寸，期门肝经穴道现。
巨阙之旁四寸五，却连脾穴休胡乱。
自此以上食窦穴，天溪胸乡周荣贯。
相去寸六无多寡，又上寸六中府断。肺穴。
大包腋下有六寸，渊腋腋下三寸绊。
渊腋，胆经穴，腋下三寸与脾大包穴相连。
愚按：马玄台曰：中府，肺穴也。周荣、胸乡、天